

# 山场实记

## 三甲会记

三代之制别子为祖继别者为太宗得立太祖之廟秦汉以来封建不行宗法亦废无复太祖立廟之说前清秦文公蕙田谓后世天下一家其有子孙繁衍而成族者则始至人为始迁祖与古之别子无異今之名家巨族皆有祠堂祀其始迁者为始祖与秦公之说亦相合我族始祖才公自元季来浏由明迄清五百有余岁祠宇之未立祭祀之不修实我等为子孙者之罪也光绪初乃立一会嗣陆续加捐共有田租三十余石異日者有能积而充之廓而大之肇建族祠聿修祀事尊祖敬宗收族之道於是乎在焉愿后人勉之

## 祀产列后

- 一处柞木岭牛形坟山一面连处凤形坟山一面莊屋一所租钱二串四百文
- 一处九峰寺田不计坵数租谷四石三桶租油一十觔
- 一处栗山湾祖坟山场一面租油六觔
- 一处高家岸马王塘田一坵租谷五硕

一处铁線垆田三坵租谷二十七石

清光緒三十年吉月吉日

嗣孙常东常传富澜富魏富年贵班贵同贵柏谨撰

### 三正堂记

子輿氏有言曰惟土无田则亦不祭牲殺器皿衣服不备不敢以祭祀田之系重矣哉然祖宗创业於前赖子孙守成於后斯廟堂祀典一切兴举取得不穷焉高祖育功公分产於曾祖泰来公方来公开来公之日除存田种为我三房子孙供奉祀事以祀我先祖者也礼曰祭器不具不备燕器又曰君子虽贫不鬻祭器况祀田为一切祭费所出可不同心协力谨理而光大之乎余不敏愿与族人共勗之

### 祀产列后

- 一处廖家冲钓钟壁下田三坵冲尾田一坵
- 一处廖家冲陈人塘下田一坵与吴人平管又冬至塘一口
- 一处廖家冲常仕山脚下排田四坵垆内陷坵田二坵
- 一处文市下街口高家岸田十一坵

坵

- 一处镇山廟下手茶山坟山一嶂山下土块在内荫塘一口塘下田连十五坵西瓜园方坵田一
- 一处祠堂门首坟湾坵田一坵张人门首田一坵水圳在内
- 一处樟树坪祖坟前田连三坵樟树下荫圳在内连处梅树坵田一坵水圳在内
- 一处下市桥道士坵田一坵

共计租谷七十三石

畝

清光绪六年岁次庚辰九月谷旦

元孙宗炳偕族姪常璽常爵等谨識

### 两仪会记

我高祖泰来公妣氏戴即 旌表節孝之太安人也生子三 长清公 次浏公 三湛公 高祖歿

安人克承夫志性质朴躬勤俭手创田业记一百八十余石 古稀时犹事女红闻将棉布数件售置西林廟曠土一块赁人开垦岁入租谷八石嘱曰此田当永远世守以作祭扫貲 安人寿八旬余终先人遵遗命立会名曰泰裔逐年经理产业稍增余资颇裕迨后人丁繁衍贤否攸分议将余资田租三股

均分惟各自挂扫焚包而已嗣大房常济将田租卖于伊兄弟泐泐转将接买常济田并已分所派田租卖与三房常鐸自是泰裔会内大房无与矣迹

年来横市续修祖廟而我 泐湛二公子孙各整享堂因思 戴安人本有贻谋而祭扫之费缺如欲复泰裔会举念而中辍者屢矣同治十一年常泐子富联兄弟又将乌龟塘田山土块三股之一卖与二公后裔予乃倡率两房长幼人等捐贖立会名曰两仪将前泰裔所分田租存公并赎还常鐸接买常泐田业两仪会立而挂扫焚包之费充而 泰来公与 安人之诞辰祀事亦於是兴焉他年积累恢洪建享堂置祭器永垂不朽予也拭目俟之

清同治十二年癸酉冬至日 后裔常彬謹識

### 祀产列后

- 一处西岭下虎形山山土租钱一串文
- 一处横头石坊下屋宇一所租钱二串八百文
- 一处祠右麻土一块田二坵租钱二串八百文
- 一处乌龟塘田山一所租钱三串五百文租谷五石三桶
- 一处龙背上田二坵租八石

- 一处龙背上田一坵租五石
- 一处横头龙背上田二坵租十石三桶
- 一处泥湾屋前田二坵屋后田一坵租二十石
- 一处老屋后田一坵大园土邱屋门首田一坵柑园田一坵龙背上田一坵租二十六石

## 松六会记

会之为言萃也家之有会所以萃子姓而祀其先人也故凡为子孙者莫不宜有会我支自梯公会以下若两仪福光皆渐积成会曰臻於盛有以妥其先灵矣而我祖父肇基公则我六房之小宗也诂可无会哉所幸祖父歿后除留公田租一石经常铭姪管理生息不憚勤劳积少成多接置田业逮今三十余岁入租谷十余石矣由是会成以为清明中元祭扫之资也顾独名之曰松六者何哉松之为木也盘根孔固而其柯叶之葱茏犹能贯四时而不改易以之名会盖冀我六房子孙培其本根沃其枝叶如松之盛拔地参天而不可量焉然则斯会之举也其必曰臻於盛世世子孙当无忘命名之意务加培植悉如铭旌之不憚勤劳因其会之已兴殫其力所能至将公手建老屋正进改作享堂於每年二月十七日诞辰致祭或更举烝嘗当亦易易事也不几合於萃之所占假有廟致孝享用大牲

哉则亦可与 梯公会并鸣其盛矣予既髦恐未能目覩其盛特为之记以志厚望且以最后之理斯会者

### 祀产列后

一处楼下坵田一坵租谷十石半

一处樟树坪路边团坵田一坵租谷三石半

孙宗炳宗蔚谨撰

### 福光会记

记者所以誌其事於不朽也古今楼台亭阁文人学士往往为之作记以垂久远然此不过为游目骋怀之地耳至於釀金为会维持祖茔乃孝思所系祭祀烝嘗所关可不兢兢致重搦管而为之记哉 我祖湛公字光大 泰来公之三子也例授儒林郎 诰封二代原配 陈安人无出继配 吴安人生子四长 绍秉次绍雄 三绍陵 四绍逵女一适甘乾隆甲辰弃世原葬近居大园土因非吉壤四房派贖买萍邑地名军田牛形一穴 湛公遂迁葬焉 吴安人合其壙置墓田佃人看守每岁收租谷四房轮流管理生息计十余年积聚多金复买门首田业立为祀会曰福光福者先祖福我子孙也光者子孙有光於先祖也每年腊月二十四日定为祭期孙等务协力维持必有兴无废日后会大当另建享

堂庶公之佳城永固 公之祭祀悠远也岁己酉届修族谱四房子孙会集共议图绘真容并立记福  
光会始末堂叔宗森 宗曾 宗江命予为记予曰楼台亭阁不过骚人逸客登眺游观之所古人尚不  
惜操觚染翰纪山水之胜写亭池之美以寄慷慨而兹会为先人宅兆之攸系祭祀烝嘗之攸关可不  
为记以誌其事於不朽哉予不敏承命遂勉为之记

### 祀产列后

- 一处樟树坪直坵田一坵租谷三石半
- 一处大老坵绵花坵一连两坵租谷八石绵花坵礮下鱼塘一口
- 一处老屋后背小坵一连两坵租谷一石又老屋后背大坵田一坵租谷十石
- 一处老屋门前大路上下上角坵秧田一坵小田一坵一连三坵租谷石又老屋上手塘礮上蛇  
坵田一坵租谷一石
- 一处樟树坪团坵田一坵租谷二石
- 一处易圳宕杨氏坵田一坵租谷八石

## 遵南公会记

嘗聞昭格烈祖怀允不忘祭之以礼迺子孙之亟务也我族自熙朝顺治十一年邑宰徐公惟岑分都之后徙居各别惟自立烝嘗会以祀其先祖而已我高祖遵南公将已分关内之业拨田一石以作烝嘗祭费囑后世子孙守成弗替曾祖绍霞公兄弟集腋成裘续置微业恢宏先绪今我族重修家乘谨述先人之意将现存屋宇田园以遗后世惟期协力维持继长增高庶无黍於前有裨於后云尔

### 祀产列后

- 一处楓梓廟铁炉冲田一石莊屋一所
- 一处蟹形下田种一桶茶山一分
- 一处九江冲田种一桶
- 一处楼西岭祖屋上手舖屋一所茶坡二隻租钱七串二佰文

清光绪六年岁次庚辰季秋月下浣谷旦

元孙富年等謹識

## 夢文公祀田记

曾祖夢文公生我祖兄弟四人三曰宗曾公四曰宗閔公皆无后遗存文家市店屋二所积年既

久半就傾頽前清同治間 我祖宗孔宗孟二公子孙共为修復以所收店租逐年生息增置田業除捐  
學會外仍收田租十二石以为清明扫墓中元化包之費后世子孙有能慎守而光大之於 曾祖誕辰  
肇興祀事则是予等之所厚望也夫

民國五年十一月吉號 谷旦

曾孫富邦謹識


## 四成堂記

四成堂者 吾先父先母所留以为挂墓燒包之資者也 先父以勤儉持躬 先母內助晚年家道  
順遂漸致丰饒光緒十五年吾兄弟以丁口浩繁支持匪易乃析田產另居惟存地坪余基及門首魚  
塘一口每年收租錢四串宣統初又以其余資八十串折租四石以助支詞興學禮有之曰有田即祭  
无田即薦又曰惟士无田則亦不祭是祀之必有田也明矣吾兄弟虽未能建置祀田犹望我子姪輩  
同心將現存之業逐年生息又或捐錢捐田以期於事有濟匪惟吾兄弟之幸即吾 父母之靈爽亦必  
为之默佑矣

民國五年十一月谷旦

男常仕 孫富襄謹撰

## 九峰寺图



## 九峰寺碑文

长沙府浏阳县南乡第四五都龙王山九峰寺迺前朝之古迹后兵之火焚基地俱存佛圣顯现乡坊虎狼侵害社姓疾病多生田禾无收风雨不调于成化三年九月内有柳本城杨仲容钟日辉李必渊商议请到永福庵竟顶来寺开垦众将原寺无税荒田地山岭上至源头下至塘口及两岸立契执证舍寺为业当顶等来兴募缘十万信施资财竖立殿宇并砌 候完上愿皇图巩固佛法兴宅福荫捨财之壇家沾施业之捨乡坊宁静家道兴隆各夫妇偕老百年众子孙轩腾万代耗物灾躄天长地久 佛圣昭彰

### 今将捨田地契墩各开於后

后於成化十一年柳本城为拖欠钱粮事将原捨孩塘冲田一墩东西至山岭冲头至买主田冲口至江边卖与杨仲容价银二两七钱捨寺为业又成化十六年柳振刚等为军役事城原捨寺荒芜田地山林立契转卖与杨仲容前后价银二两容捨本寺又成化十年柳本城等为军事将筠垵冲田一墩大小二十一坵用价二两四钱卖寺把业又成化十四年买到柳本缘柳振刚纸平冲无税荒田一冲卖与杨仲良价银一两一钱八分转捨寺后成化五年因亲隣往来人众难以膳用有诚等商议将黄家冲荒田山地上至源头下至水口东西两岸岭背为界立契捨寺供应后容用价银二两重买本寺捨殿做佛为庵耕供本寺今将捨买荒无税田地山岭各坵价银俱依各契謄録立碑为证其田地各无不明互争侵占翻悔重买其田无税在后永远捨寺耕作如或各家子孙将碑藏毁侵占寺业生遭王法死入地狱立碑永远为证


明成化二十二年丙午岁夏六月 立

### 九峰寺捐契碑文

立同心乐捐契人十三世祖淮公十四世祖霞公霓公霖公后裔人等愿将祖遗地名九峰寺冲田山捐与九峰寺永为香火之业因昔年祖将此处田山租息内除租谷七桶以奉楼西岭祖堂观音长香之资余均舍于此寺内畧作香油经费又虑世远年湮子孙更易矢言勒石后有可凭孙等念旧德之不忘因新捐之是举特立捐契以全祖志以图永远以杜后虞自捐之后任住持僧俗人等管业施为准公后裔不得强耕争佃倘有不测合族公同处罚稟究兹立捐契勒石为据

清同治十三年甲戌九月十五日 立

## 白石庵图



## 白石庵记

浏南白石庵十世祖应春公所建即邑志所载清泉山梵刹是也拨香田二顷环庵前后左右坳背山场属焉遗嗣生梯公历招僧住持不妥则易之至僧心广负债四百余串同治年间招徒兴望不守清规负债五百余串连卖田山二契光

绪初兴望身死乃召僧慧日承批耕作宣统元年予族建立学校议将田山租息  
归为办学之费凭团退清另佃归佃户侍奉香灯一以报答神恩慰先人之初志  
一以兴隆文教詒后代之良谟一举而两善备焉

民国五年十一月 谷旦

富荣

常爵 富辛 贵昇 世昌

常俊 富鹤 贵超 世禄

富襄 贵昌 同識

### 家学记

前清光绪三十一年罷科举兴学校我族建议立学絀於财力未果行越三  
年复行会议幸各房有同心於是自十一世祖 育功公以下各祀会裁出租息  
集腋成裘共得田租一百五十余石於横头支祠内建立一学蓋小学者大学之  
基础不有大学则无荣身之地不有小学则无进身之阶奈族居星散道里辽远  
未能合一深以为憾然犹愿我族人等於就近之地各自为会各自兴学将来文  
风日上士气日蒸则是学也为国家造就人才即为祖宗光大门第予等有厚望  
焉

### 田产列后

三正堂捐高家岸两处田共八坵廖家冲正垅田共五坵冲尾塘半股在内甘家  
岭角冲田一坵荫塘共计租谷四十石

又捐白石庵田山一莊计租谷六十六石两仪会捐西林廟两处田共八坵租谷  
十二石

又捐钱三百二十串文照时价折租十六石

重阳会捐茅埠上鹅颈坵一坵计租谷七石

福光会捐老屋门首上三角坵一坵高灯树下田一坵樟树下田一坵横头下街  
口田一坵共计租谷十九石

松六会捐笕箕窝口路下田一坵租谷四石

四成堂捐钱八十串文照时价折租四石

福善堂捐乌鸦伏地田一坵计租谷五石内去买价二十串文

民国五年十一月 谷旦

富荣 富襄 贵超 贵昌 谨撰

### 白石庵退佃字

立退佃字人僧恆心全徒瑞祥缘僧祖慧日出备规礼银五十两承批杨生  
梯裔所管白石庵寺屋又庵后莊屋一所计田租六十六石并带左右山场居  
住耕作祀奉香火多年今因移居别处愿将该业概退还杨姓当收还规礼银  
五十两正又承帮开垦钱三百三十串文正所收是实自退之后任杨收归办  
学再无異言今欲有凭立退佃字为据

凭在场人 团总陈长康 和尚僧瑞钱

和尚吴子康

和尚李柏伟

民国二年三月八号 团总张介亭代笔 立